



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 53. Dissidia Lutheranos inter & Zwinglianos.

[urn:nbn:de:hbz:466:1-66472](#)

§. LIII.

Sæcul. XVI.
A.C. 1527.*Diffidia Lutheranos inter & Zwingianos.*

Cum interea Henricus Rex divertii sui cauffam ita urgeret, & adhuc, quo se verteret, dubius hæreret, seruebant in Anglia & Helvetia acres admodum altercationes non modo Catholicos inter & Novatores, sed inter ipsos etiam Lutheranos, Zwingianos, & Anabaptistas. Jamjam memoravimus, quod Lutherus jam ab Anno Domini supra millesimum quingentesimo vigesimo quarto Carolstadii & Zwinglii doctrinam de Eucharistia, & præsentia reali impugnaverit, nunc vero sese utrique Oecolampadius adjunxit, atque eorum sectam in urbe Basileensi divulgans. Missam non esse Sacrificium tradidit, atque insuper potissimam partem rituum Ecclesiasticorum abrogavit, & paulo post ipsam quoque Christi Domini præsentiam in Eucharistia negavit. Infurgebant adversus hosce errores in suis sermonibus Lutherani, qui in Suevia & Bavaria agebant; quapropter Oecolampadius ad illos transmittere cogebatur tractatum, quem de verbis Domini in institutione Sacramenti Altaris conscripsit. Hunc confessim Brentius confutabat, nec ta-

R 5

men

Sæcul XVI men obmutuit Oecolampadius. Cona-
A C. 1527. bantur Argentinenses Ministri hisce di-
 sputationibus finem imponere, eoque
 consilio Georgium Chafelium Wittem-
 bergam ablegarunt, ut Lutheru, ejus-
 que affeclis exponeret, quod scriptis suis
 ultro citroque datis ingentes tumultus
 fuscitarent, atque semetipos mutuis dis-
 fensionibus eo vel maxime tempore scin-
 derent, quo magis quam unquam, ad
 evertendam Papæ dominationem uniti
 esse deberent, præterea rogabant eos,
 ut quantumvis opinione circa cænam ab
 eis discrepent, illos tamen velut fratres
 habere velint. Verum Lutherus adeo
 non eorum votis annuit, ut etiam re-
 sponderet, se ad reprimendos Zwing-
 lium, & Oecolampodium omnino com-
 pelli, eoquod illi libris suis de Eucha-
 ristia fidelium pacem tantopere pertur-
 barent, ut necesse sit, *vel Zwinglium,*
vel Lutherum Sathanæ Ministrum esse, oport-
 ere igitur rem eo perducere, ut hi alias
 haud ultra fallere possent. Post hæc
 Joannes etiam Pomeranus, Billicanus,
 & Brentius suos calamos contra Zwin-
 gianos acuebant, quibus tamen Zwin-
 gilius respondit, eique Bucerus, Con-
 radus Pelicanus, & Leon Juda suffra-
 gati sunt.

§. LIV.